



UPA 2016/35

Justus Hansen

11 November 2016

**Apeqquuteqaat aallaavigalugu oqallinnissamik siunnersuut: Ineqarnikkut aaqqissusuusseqqinnerup innuttaasunut amerlanerpaanut ataavarnerusumik iluaqtissanngortinnissaa qanoq qulakkeerneqarsinnaava aammalu inuiaqatigiit akornanni akissarsiakinnerit akunnattumillu isertitaqartartut akilersinnaasaannik ineqarnikkut qanoq aaqqissuussisinnaavugut.**

(Inatsisartunut ilaasortaq Jess Svane, Siumut)

Demokraatin pingaarteqaarput nunatsinni kikkut tamarmik angerlarsimaffeqassasut eqqissimaarfigisinnaasaminnik toqqisisimaffigisinnaasaminnillu. Nassuerutigisariaqarparpullu ullumikkut taamaaqqajanngitsoq.

Naliginnaasumik ilungersuutigaarput inissiaatitta tamarmiusut nungullarsimanerat. Ilaatigut pissutaavoq ukiorpassuarni inissiaatitsinnik iluarsaassisarsimannginnerput aserfallattaaliisimannginnerpullu. Inissiaatigut aserfallattaalinerlunneqarsimavallaarput aamma taamaattumik ajorserluinnarnikuupput. Nunatsinni inissiat mannakkut qanoq innerat iluarisimaarnannngilluinnarpoq.

Ullup unnuallu ingerlanerani akunnerni amerlanerpaani angerlarsimaffitsinniittarpugut. Taamaattumik ilorrisimaarnissatsinnut pingaarutilerujussuuvoq, angerlarsimaffeqarnissarput, toqqisisimanartumik, nuannersumik aamma minnerungitsumik peqqinnartumik. Ajoraluartumilli inissiat amerlaqisut inigissallugit peqqinnangillat oqussimaneri assigisaannillu akornguteqarneri pissutigalugit. Napparsimalersitsisarput aamma inuunermi atukkanik ajornerulersitsisarput. Aamma pingaaruteqarpoq oqummut sorsuttuarnissatta pingaartinnissaa.

Uani apeqquuteqaat allaavigalugu oqallinnissamut siunnersuummi aallaavagineqarpoq, qanoq iliorluta qularnaarsinnaanerippot isertitakinnerit akunnattumillu isertitallit akilersinnaasaminnik ineqlersinnaanerat. Akissutissaq oqittuunngilaq, kisianni Demokraatin isumarput naapertorlugu aaqqiissutaanaviannngilaq inimut attartornermut akiliutip ingasattumik appartinnissaa. Tamanna siusinnerusukkut misilereernikuuarput tamannarpiarlu pissutaavoq inissiat peqqinnangitsut ullumikkut ilungersuutiginerannut. Siusinnerusukkut naapertuutinngitsumik attartornermut akiliutinik mikinaarivaltaartsimanerup kinguneraa ineqartut peqatigiiffiisa sumi tamaaniittut akissaarussimanerat aserfallattaaliinernut iluarsaassinissanullu pisariaqartunut, tamatumalu nassataaraa inissiat pigisatta peqqinnangitsut amerlavallaalersimanerat. Kukkuneq uteqqissanngilluinnarparput.



Taavami qanoq iliussaagut?

Demokraatini isumaqarpugut nammineq illumik pigisaqlernissamut sinaakkutissat pitsasut pilersittariaqarigut. Ilaatigut tamanna pisinnaavoq pilerinartumik taarsigassarseeriaatsimik pilersitsinikkut assersuutigalugu ernianut ilanngaat ajorseriartinnagu. Inuit nammminerisaminik illullit amerlaneruppata taava inissiat attartortitakkat amerlanerussapput, inunnut nammineq imminnut pilersorsinnaanngitsunut. Tassa imaappoq, pitsasumik aserfallattaaliinissamut aningaasat amerlanerulissapput aamma iluarsanneqarnissamut pitsasumik pilersaarusiornissamut.

Tamatuma saniatigut puigussanngilarput nunami maani ineqarnermut tapiissummik atorluarneqartumik peqaratta, sualummik isertitakittortatsinnik atorneqarsinnaasumik qaammammut attartornermut akiliup appartigaatsiarnissaanut, tassa imaanngilaq, politikkeqarsimasugut attartornermut akiliisarnissaq ajornarsitilluinnartillugu.

Taakkuugallarput oqaatigiumasagut qilanaarpugullu oqallinnermut peqataaqqinnissatsinnut.